

春  
在  
堂  
詩  
編

已玉編

春在堂詩編七

德清俞樾

己巳春至謁經精舍適彭雪琴侍郎王麟借湖樓

養疴一見如舊賦贈三律

廿載軍中夜枕戈欣看青鬢未全皤我

朝上將儒林出從古長江戰壘多玉帳牙旗鎮南國銅

鑿鐵版和東坡

廟謨正重金湯寄那許林泉獨嘯歌時有詔俟假滿後仍赴長江督辦

師水

大好湖山第一樓裘輕帶緩此句留子房謝病無官守

靈運游山有唱酬避俗怕通門外刺尋幽擬築水中洲

謂阮公臨淮開府來相訪不向花間擁八騶李小荃中丞止車騎於傍

金門外坐輕舟相訪

忝為西湖作主人遂教麋鹿識祥麟乍聞雄論心先壯

偶話師門意轉親謂湘鄉相公珍藥封頒憐病久芳樽手酌

見情真時承招飲且以藥一樓甘讓元龍臥數點梅花萬

古春君因借住余屬樓許畫梅花一幅相贈

潘少梅以小印一方見贈文曰西湖長賦詩謝之

南隸荒圩三硬蘆余舊居德清東門外地名南隸官府文書則曰三硬蘆圩廿年拋

却舊菰蒲而今新署西湖長還是煙波一釣徒

游會稽山登其巔至香鑪峯佛閣小坐

會稽古防山職方列四鎮神禹計萬國玉帛此充初我  
來問遺跡古事復誰證但驚山從龍曲折微有徑遙指  
香鑪峯勃然鼓游興懸版爲坐具搖搖不能定夾以兩  
竹竿相倚爲性命曲身坐其中尻低高者脛似玉山乘  
權斯制或其賸昇行十餘里山勢抑何峻緣竿鮎直上  
旋磨蟻徐進隘道不盈尺危崖那計切從者咸已疲稍  
稍息石磴雙峯兀然立如戶左右堦游人俯首入猶懼  
上觸顛于此搆精廬小坐亦自勝憑欄一俯視鑑湖小  
于鏡剽然發長嘯定有飛仙聽

謁大禹陵因游禹寺觀唐開成五年往生碑

碑皆真書文云唐開成五年歲次庚申皇帝昇極是  
歲夏五月會稽禹寺請元英法師講金剛經于餘姚  
平原精舍會次募一千二百五十人結九品往生社  
英公學我真教挹其遺蹤施有等差階陳九品旁求  
貞石書其姓字云云其下列一品至九品人名氏此  
碑道光二十年寺僧鉏地所得徐鐵孫太守移樹殿  
中自來金石家所未著錄余得見之因張以詩

我來謁禹陵因得游禹寺禹寺止三楹索然了無致前  
後徧流覽有碑壁閒置拂拭去塵灰稍稍能辨字碑額

題往生碑文記其事唐開成五年皇帝初卽位

是年文宗崩武

宗卽位

元英大法師來講金剛義大衆環而聽人人得其

意惟以愚智殊不無淺深異英公善知識有教豈無類

區分爲九品高下大軒輊遂乃磨貞石承之以巖巖備

載千餘人男女相襍廁謂可生淨土不致見擯棄詎知

武宗立力排象教僞佛寺盡毀除此碑轉爲累定知九

品人相對各心悸沈埋付泥土誅求免官吏是何數千

年碑又出其地坐惜蚩蚩氓作事等兒戲以此求西方

往生庸可冀獨念歲月久碑文尙完備事體頗樸茂不

等俗書媚自來金石家未此一置議我來得捫讀悠然

生古思勿云事荒誕古碑得豈易倘搨萬本歸千鎔定  
不齊

游蘭亭有懷彭雪琴侍郎作歌寄之

蘭亭勝地理荆棘修竹清泉難復識欲遣舊觀永和年  
百萬金錢問誰出侍郎慨解橐中裝千秋名迹期無荒  
流傳豪舉徧浙水誰識深情屬渭陽深情脈脈安能已  
記得外家家在此傳來清望木山陰譜出華宗是王氏  
王氏青箱不復存此來欲訪已無門空留宗派書家祖  
雞門雲仍異代孫昔賢觴咏今誰刷到此低徊不能置  
搨土稍供一日資望雲更觸無窮思侍郎有望雲思親圖英雄至

性果然真不負之江來問津愧我羊曇憔悴甚墓門展

拜更傷神

時余至上虞展舅氏姚平泉廣文之墓并以舅母黃孺人附葬焉

雲棲理安紀游各一首

籃輿至雲棲夾路盡修竹身入綠雲中不識有炎煥僧  
言今所存不及昔五六曩者不見天但見一片綠聞言  
感今昔盛衰若轉轂不恨我來遲轉悔我來速再隔三  
十年舊觀儻可復

我游理安寺因觀法雨泉泉從巖石出不雨聲濺濺其  
中有泉龍四足五爪全兩三自成隊游泳殊悠然勿云  
泉水小愛此清且漣何必乘風雲辛苦飛上天



三潭印月新築精舍頗有致偶乘扁舟往游作此  
紀之

西湖三十里中有湖中湖湫澱一明鏡築土爲之郭石  
梁盼南北曲如蟻走珠兩旁植菡萏四面生菰蒲精舍  
五六間小坐亦足娛何必三神山蓬萊與方壺遙指蘆  
葦閒隙地倘許租願言此築屋來作耕田夫

其中有湖田

歸許氏女生外孫女其伯祖信臣撫部名之曰引  
官余讀白香山集有談氏外孫女孩滿月詩亦名  
引珠戲作一詩

么鳳欣添第三雛慰情良亦勝于無阿翁且學香山老

也向懷中抱引珠

次韵贈徐誠庵

論交文字卅年多

余年十六與君同入縣學

又向吳中其嘯歌旖旎

詞腸將化蝶峻嶒傲骨願爲鷲歡場春去渾無迹宦海

風來便有波眼底升沈君莫問且看寒月上藤蘿

庚午春余浮海至福州見香巖制府

英桂爲言咸

豐八年以河南巡撫入覲

文宗顯皇帝召見語及臣樾有寫作俱佳人頗聰明之

論是時樾去官久矣何意微末姓名猶挂

天口感激流涕敬記以詩

廿年春夢付黃梁掃盡巢痕在玉堂忽向天涯逢舊雨  
更從海國話

先皇朽株枯木臣何有墜履遺簪

帝未忘聽取從容

天語好風前哀淚幾沾裳

見說紅雲拜

九重

玉音親聽殿西東韓翃詩句聞天上蘇軾才名歎禁中  
青史好傳宣室語白頭空抱鼎湖弓敢云報  
國文章在才盡江淹百不工

雨夜呈王甫兄

一穗孤燈淡欲消  
臥聞淅瀝響芭蕉  
聯牀記聽春明雨  
十八年來又此宵

游閩越王廟

無諸王閩越開國自漢初  
廟食此閩土祀典良非誣  
我來一瞻拜古氣盈眉須  
王右夫人左漢制其然乎  
上有釣龍泉甘冽宜酪奴  
云是王遺跡千載猶未枯  
獨怪配食者稽之史策無  
閩俗固好鬼未免同覲巫  
我思騶氏裔具見班馬書  
若郢若餘善均以叛漢誅  
俎豆所不及請更徵其餘  
曰丑曰居股論功初無殊  
曰敖曰吳陽亦

能保令圖各各

食稅而衣租

丑卦越蘇王居股封東成侯敖封開

成侯吳陽以

庶幾德不孤奈何秩祀事不一

詢通儒巍巍射鯨王適足資胡盧吾言倘可采敬告士

大夫

余闕中之行爲敬問 太恭人起居而弟兄聚首

朋舊言歡一月旬留殊苦其遽因將還浙開精舍

課卽附海舶言旋舟中得詩五首

榕城煙樹望參差五日騰輪海上馳聊慰北堂萱草意

不爭南國荔枝時一家骨肉分離久十載烽煙定省虧

今日萊衣重下拜但求鶴髮到期頤

春草池塘夢久荒弟兄風雨又聯牀  
兒曹乍聽鄉音改老態旋看鬢髮蒼  
亂後艱難問朋舊鐙前談笑共壺觴  
莫嫌拙宦蕭條甚眼底榮枯早坐忘

萬言賦海媿無才且向閩中攬勝來  
番舶聯翩仍古步

耿莊零落賸荒苔耿莊乃耿精忠別業  
英風近挹無諸廟古篆遙

尋般若臺惜未鼓山同蠟屐虛看晴翠落尊罍飲于泉使署之

東刺望見鼓山亦閩中勝地惜未及遊

故人幾輩擁旌旄笑我爰居偶此巢  
珍重綈袍尋舊約

謂英香巖制府潘偉如廉訪傅星源  
觀察諸君頻煩縞帶訂新交謂卜頌臣中丞鄧雙坡方

伯裕澤生一編快覩歐公錄魏稼孫以所著金石萃編校文見示  
十里香

聞段相庖余廡南臺距城十里祇惜輜軒歸尚早謂同

泮生學使論文孤負酒盈胞

暖寒屢換客中裘一月句留春已深海外波濤仗忠信

余如閩所坐飛星輪船其還也觸石而沈天南節候變晴陰憐才已負

先皇意憶遠還縈慈母心回首虎門高突兀幾回悵望

幾沈吟

籃輿入山游香山洞紫雲洞金鼓洞而紫雲尤深

遂紀之以詩

平生喜游覽所苦力不足不能登山顛且自入山腹怪

哉紫雲洞天然一石屋規圓而砥平不知誰所築中開

路逼仄取徑繚以曲仰觀石崢嶸俯首猶懼觸深入  
開朗驚飛幾蝙蝠泉含一掬清天逗半規綠僧言此銷  
夏不知有三伏靈運登石門李愿隱盤谷古來稱勝地  
視之亦何愿願言謝人事來此友麋鹿

自天竺踰棋盤嶺上下各三里有僧寺可小坐

山頂一屠蘇山僧自不孤雲煙無供養

寺無檀施以  
採樵爲業襟

帶有江湖

西湖在東錢  
唐江在南

且采雨前茗休尋山下途九谿

十八澗游處總模糊

寺僧以龍井茶供客問以  
九谿十八澗不能言也

法相寺瞻禮長耳和尚真身

長耳和尚死不僵真身猶在山中藏被髮梟羊滿山走



驚見真身又疑否揮之以刀斷其手怪哉白骨乃不白  
一千餘年化爲石其色黝然更潤澤粵賊之亂斷其右手因見其骨骨色  
紫嗚呼女媧搏土無休時鼠肝蟲臂誰能知堯舜周孔  
化灰去獨留委蛻將奚爲其中自有不壞者故能歷劫  
長如斯世人革囊苦愛惜鮑魚鯉臭秦皇屍

### 病中偶成

蒲柳衰姿強自持偶然一病遂難支只慙不及香山叟  
未是安閒好病時

千里求書絡繹來病中腕力苦衰頽案頭不是鷺鷥溪絹

難與先生作鞵材

安徽福建均有來乞書者

熏風微逗碧窗紗長日遲遲未易斜睡起蕭然無一事

惠山泉試六安茶

丁禹生中丞餽惠泉水勸少仲同年贈六安茶葉

枯盡江花百不工年來久已謝雕蟲韓碑柳雅諸公事

莫向江湖問長翁

許星叔屬撰進方略表文二通余筆墨疏慵謹謝之

以所蓄病鷹縱之孤山之麓以詩五韵送之

昔人放鶴處鶴唳不堪聽賸有危亭在亭前山白青我

今憐爾病縱爾入青冥雲路招新侶巖阿養舊翎寂寥

千載後誰築放鷹亭

張仲甫先生

應昌

行年八十有一重賦鹿鳴詩以

賀之

鳴鹿聲中共舉杯蒼顏鶴髮未衰頹回思六十年前事  
會博

先皇欣慰來

君舉于鄉之歲適尊甫中丞公撫

仁幼手批欣慰

京國歸來下澤車階前紅藥近何如須知不負科名處

自有名山百卷書

君會官內閣中書撰述甚富

偶然示疾等維摩懶共羣仙詠大羅空向青雲街上看

不會看見老東坡

宴日君以病不能赴

自從小劫遇紅羊雅沾騷壇處處荒何幸頻羅庵主後

歸然又見魯靈光

吾浙重賦鹿鳴者梁山舟先生之後直至先生

題趙忠節同年遺墨後

忠節名景賢字竹生余甲辰之歲與同舉於鄉者也  
咸豐末年東南淪陷君堅守湖州城卒死于賊其從  
孫鏞以遺墨一冊見示因題其後

昔年颯爽見英姿今對遺編恍遇之蟻子蚍蜉無外援

鞠窮麥麩有微詞

在危城中帛書六幅多隱語

枕戈越石心空壯聞

笛睢陽氣不衰他日荻城重穢棹表忠何處拜崇祠

吳建專祠至今未成

### 五十初度偶成

百歲光陰本有涯蹉跎過半亦堪嗟紅塵易老凌霄鶴  
白日難留赴壑蛇仕宦恩恩渾似夢詩文草草未成家

病餘已覺衰羸甚餐飯朝來強自加

往事雲煙付太虛且將閒筆寫閒居詞林剛滿十科外  
著述新成百卷餘老母尚能看細字嬌孫已解讀村書  
自知雅抱屯遭骨莫向人間歎不如

西湖精舍儘盤桓占得湖樓一面寬高弟疊攀天上桂

詒經精舍肄業諸生本科中式廿九人以優行貢成均者三人老妻同倚雨中欄書生

活計毛錐子山長頭銜白版官慙媿

先皇垂念厚每思

天語總沈瀾越免官歲餘文廟尚垂問及越有  
寫作俱佳人頗聰明之諭今年至闕聞

之香巖制

府英桂

積唐無分到公卿聊復安排身後名海外流傳兩平議

余所著羣經平議諸子平議日本國行賈請印三十部去人閒遊戲一賓萌兒曹且

試彈冠味時兒了紹萊老我全消伏懋精回首烏巾仙

色好擬營壽藏傍先塋

不須辛苦較雲泥離鷄飛翔未是低破硯祖孫同食報

家有先祖南莊府君遺硯一方名山夫婦共留題前年

余用之亦近廿年惜亂後失之求書客至羊堪換問字人

了游飛來峯題名山穴今年來酒定攜却厭稱觴沿俗例扁舟乘興到梁溪嘉平二

日也是日乘舟至無錫擬游惠山因風大不果登正如昔人剡溪之行興盡而反矣日余生

辛未春日以弟一樓叢書付剞劂率題五韵

自笑迂疏百不如廿年文字耗居諸山妻苦勸宜調氣  
慈母傳言戒箸書其奈叢殘餘稿在豈容拉襍付焚如  
篋中寫定成新本鐙下傳鈔到小胥大好湖山樓第一  
後人儻識子雲居

拙政園歌

張子青同年前輩開府三吳駐節拙政園承詢斯園  
故事因作長歌詒之

銷烽息燧東南定定後東南非昔盛鷗坊鶴市半荒蕪  
吳下名園惟拙政名園拙政冠三吳遠溯前明創造初  
驄馬王公新卜宅衡山待詔舊留圖

闕始明代王御史  
獻臣文衡山有拙

政園記

并圖

招代龍興開甲第海昌別墅人猶記泉石無

端籍縣官流傳更屬平南壻

初為海昌相別墅業籍沒後曾為吳三桂女壻王

承常

百年依舊此樓臺三徑重為蔣詡開

吳三桂敗後此園曾為糧

道署其後復為郡人蔣誦先所得因易名復園嘉會園

見說復園盛游宴屢招

名士共尊韓是時正在乾嘉際吳會承平多勝事頭白

尙書訪舊來風流大令看花至

沈歸愚尙書即園中人之一袁子才大令亦屢

至是

自古園林有廢興又聞風月屬延陵春風秋月游

人口只解吳園兩字稱吳園花木還徧疊水竹平分王

與葉

後為武林吳氏所得是稱吳園其左右割為王葉兩園

王葉園中半綠蕪不

及吳園盛蜂蝶癡蜂醉蝶弄芳菲忽見漫空妖鳥飛淨

詩七

士



洗腥膻消戰血重看金鼓建牙旗牙旗暫駐仍蕭瑟欣  
遇安昌來建節瓊鋪珠箔奉慈輿水閣風簾停宦轍我  
幸園中一再游聊將往事數從頭作歌媿乏梅村筆莫  
問茶花如舊不

蘇州府學有宋紹熙間同年醜倡詩石刻首倡者  
袁說友和之者張體仁成欽亮章澥唐子壽王藝  
陳德明周承勛胡元功趙彥衛趙彥璣趙彥真碑  
額分書同年醜倡四字蓋諸君皆同年也前有范  
石湖序頗足見宋時同年之重余卽用其韻賦一  
詩索諸同年和非敢尸執牛耳竊願依附驥旄云

爾

芙蓉鏡下久睽違  
落落晨星比昔稀  
豈以雲泥今隔絕  
遂忘蒲障舊因依  
翱翔霄漢誰先路  
憔悴江湖已夕暉  
記否鷓鴣初振翼  
煙波鷗鷺也同飛

曾滌生師相賜題  
荆著羣經平議諸  
子平議後五言詩一章次韵奉謝

當代有汾陽  
勳名兩卓絕  
手定常羊維  
金甌永無缺  
福星照東吳  
一再停宦轍  
猶憶昔年秋  
秣陵曾送別  
何幸旌旆來  
又當葭莢揭  
父老拜清塵  
兒童誦英烈  
江左管夷吾  
斗南狄仁傑  
越也賤且窮  
嶺雲只自悅  
不辭飯甑

塵長守硯田鐵古訓粗有聞積習舊曾結暑夕尚焚膏  
 嚴晨還映雪珠船得一義鐵隨忘三折高郵有巨儒卓  
 犖邁前哲謂王懷祖先生及其子文簡公雄辯掃荆榛與義啟肩鏞微  
 言曲羽翎快論直項頡與共騁康莊未免憂蹉跌偏伍  
 偶彌縫竿旄聊取節譬之行潦水不足供酌醲吾師今  
 南豐幽隱恣搜抉玉帛會岐山姑容置茅蕝贈以一篇  
 詩轉使我心憐朽質感彫鏤陳編慙盜竊惟當書萬本  
 終身誦不輟

附原作

聖祖曠千禩微言久歇絕六籍出燔餘諸老抱殘缺

尚頴故訓存歷世循舊轍從宋洎有明軌涂稍歧別  
 皇朝衰四術眾賢互標揭顧闔啟前旌江戴紹休烈  
 迭興段與錢王氏尤奇傑大儒起淮海父子相研悅  
 謂高郵王懷祖先生念子史及羣經立訓堅於鐵審  
 孫及其子文瀾公引之音明假借王氏情於古音謂字義多從音生課虛釋  
 臧結王氏每於句調相同者取彼釋此謂之句旁證  
 通百泉清辭皎初雪王氏立訓必有確據每譏昔人  
 其反復證明乃通者必九原如有知前聖應心折俞  
 曲暢其說使人易曉  
 君一何偉奎步追曩哲盡發高郵奧擔囊破其鏞君  
 昔趨承明鳳鸞與頴頡輶車騁嵩洛康衢誤一跌子

雲宦不達草元更折節文囿芟天葩經神供清醑  
言頗觝排諸子亦梳抉復從羣賢後森然立綿蕪嗟  
余老無成撫衷恒悒悒閔才不薦達高位徒久竊茲  
編落吾手吟覽安可輟

壬申春日自杭州至福甯襍詩

雲山南望路迢迢却好風光轉柳條多謝蘭溪賢令尹

綠波春水放蘭橈

蘭溪令吳煥卿余門下士也  
知余有福甯之行具舟來迎

記客新安五載餘江干歲歲費舟車富春山色桐江水

算理多年未讀書

余從前客授新安歲一往  
還必由錢唐江溯流而上

舟窗閒坐倚雕欄兩岸煙巒似舊青料得山靈還識我

重來只少二奴星

奴子孫福乃昔年從余往返新安者後以老乞歸庚辛之亂不知所終

指點西臺又釣臺客星樓上暫徘徊祠前一十七回過

來見先生第一回

十七里瀟謁嚴先生祠從前此均未一登也

姊妹花開傍畫欄虛煩翠袖進龍團那知據案村夫子

正取周官六典看

時攜周禮注疏於舟中讀之取其委曲餘重足以消磨客況也

廿載論文舊友生此來快聽好官聲從知吏治無他異

只與文章一樣清

舟至蘭溪吳煥卿大令來迎煥卿從學於余余極賞其文氣之清及成進

士以知縣來浙余語李小荃撫部曰此君作令必佳公問故余曰昔見其文氣甚清卜其作令必了了也

玉座荒涼異昔時蘭溪城外偃王祠何當更訪陵山廟

手搨昌黎半段碑

蘭溪城外有徐偃王廟昔曾游焉今傾圮過半矣或言龍游陵山偃王廟

有韓文公碑尚存半段余昔過龍游  
朱之知也以詩紀之行且託人往訪

自過金華灘轉高篙師撐折萬張篙西津橋畔重回首

辛苦輕舟壓怒濤

西津橋在  
永康城外

何處芙蓉五朵峰入山便與畫圖同籃輿不走紅塵路

只在泉聲山色中

永康有五峰之勝昔人詩所謂分明  
朵朵翠芙蓉者也然入山後峰巒重

疊亦莫辨何  
者為五峰矣

試從木末一登臨綠柳紅桃徧水潄畢竟南來春信早

春分未過已春深

陽冰舊治在山鄉名蹟流傳照未荒道左豐碑丞相墓

嶺頭桓表狀元坊

縉雲城外有宋丞相格庵趙公神道  
碑惜未訪其名嶺上有狀元坊為明

狀元詹駉建其嶺即以狀元名

桃花高嶺路灣環曲曲溪流面面山松竹叢中一條路

行人都在翠微閒

纔經半嶺日將斜漢壽祠前且啜茶却喜縣官能解事

課民嶺畔種桃花

桃花嶺本無桃花道光間縉雲令熊君種桃萬樹以副其名亂後斬伐殆

盡今縣令徐君

又議補種之

馮公嶺止却金館見說前人此却金重疊紅箋書吉語

碑頭姓氏費搜尋

馮公嶺上有屋一區顏曰卻金館有碑云江右何公卻金處萬歷十五年

胡緒蔡廷臣喻均立石而館當孔道為冠蓋往來休息之所碑又居門外正中適當樹塞門之處有司供張者

貼紅箋書吉語於其上字跡遂為所掩余命從者層層揭去始得見之



青山回望尚嵯峨又挂蒲帆走廈河打鵝舨艫原一例

不嫌舟更小於梭

廈河在處州城外有兩種船曰漁船曰梭船余所坐乃梭船也

石門洞口雨中過雨後山光翠更多行到巖前看瀑布

直從天半瀉銀河

山中誠意舊儒宮婦豎能談佐命功我向堂前拜遺像

旗峰西矗鼓峰東

石門洞為劉伯溫先生讀書處遺像尚存曰旗曰鼓乃其左右峰也

故人仗節鎮東甌小別西湖又幾秋今夕且園一尊酒

從頭聽話雁山游

溫州見方子穎觀察共飯於其署中之且園縱談至夜分并示雁山游草

卷一

更煩高會集羣賢特為征人啟別筵領略怡園好風景

不辭半日此留連  
方子穎觀察裕昭甫太守陳友三大令饒余於曾氏之怡園園有花木泉

石亦東甌  
一勝地也

華蓋山頭暮色催  
肩輿草草出城隈如何好事諸君子

寫逐康成車後來  
余將發溫州有徐君杏汀至逆旅來見又有陳君仲珊至旅舍而余已發

遂迫及之於舟因紀以詩藉存一日之雅

飛雲渡口水茫茫  
慙慙風帆海外檣江面亂流行十里

依稀風景似錢唐

平橋曲水路紆徐  
一葉輕舟載筍輿沿路飽看南雁蕩

濃青淺黛染襟裾  
自平陽坐小舟行三十里至錢倉一路山色甚佳層巒嶂嶂應接不暇蓋

卽所謂南雁蕩矣

榕樹陰中曲曲隄直從蕭渡到琳溪瓜皮艇子沿隄去  
未礙溪橋三尺低

山溪行盡又山岡且喜松篁夾路長想見山中生計足  
高高下下菜花黃

嶺上巖巖分水關令人回首故鄉山歸途儻踐山靈約

雁蕩天台咫尺閒

余此行因急於至閩省視老母起居未及迂道一探天台雁蕩之勝方子

穎觀察詩歸途游雁蕩并願為雁蕩作主人然余又急於回杭補行詎經之課未必能如約也分水關乃閩浙分界處

榕城開府親家翁此去偏慳一笑同今日入疆觀教令

訓詞忠厚古人風

閩撫王補帆余同年生又親家翁也此行往返恩惠未及至榕城相訪自

入分水關於半嶺見君教令四條皆六言的語勸其士民以敦品勵學息訟止爭知君用意良厚也

自為哀親千里來敢煩地主具尊饔白琳多謝黃明府

洗我征塵酒一杯余以定省來關故行甚速過福鼎縣未及少留也而縣令黃星槎明府使

人候於白琳逆旅中治具豐腆意甚媿之

五蒲大小盡躋攀又度崎嶇六六灣見說武夷山九曲

此行四入武夷山大五蒲小五蒲均嶺名也自此至蔣洋山形繚曲故有三十六灣之名矣

四山雲氣已模糊旋覺陰霾一掃無若比當年衡嶽例

鰈生何敢望韓蘇是日初登車雲氣迷濛及上五蒲嶺已有微雨余因其日所經多高嶺深

以雨行為憂默禱於神旋即開霽晴日杲杲蓋神佛之祐也

石壁嶙峋高插天大王嶺在萬峰巔明朝更度觀音嶺

歷盡危途仗佛憐

入霞浦境嶺路尤峻而大王嶺及觀音嶺為最

天梯回望倚雲根水復山重不可論却羨阿兄來領郡

萬山深處一官尊

天梯亦嶺名度天梯嶺即福甯府矣

水陸舟車一月忙征衫又此拜高堂修書先報老萊婦

為說慈闈壽且康

余行抵琳溪王甫兄使人來迎詢知老親康健即馳書報內子知之

三月三日王甫兄招同羅景山總戎張小舫太守

謙集於望海樓即席有作

龍首巖巖氣象雄

龍首山名樓在其麓

危樓高踞梵王宮簷前海

水平於席檻下山城曲似弓

俯視郡城了了在目其形橢圓而曲剛好重

三逢禊日不辭一再醉春風

小舫約次日仍集於此何當更訪芙蓉

蓉院殘碣摩挲夕照中

明同知趙廷松於龍首山麓建亭曰芙蓉別院并刻芙蓉臺三字

字於石上今求之未得

### 福甯襍詩

山城雖小郡齋寬花影重重映畫欄白髮衰親扶杖出

滿園紅紫盡承歡

買山歸隱尚難圖杯酒清談亦足娛偷得仙家丹鼎法

齋廚日日學蒸壺

壬甫兄喜飲每夕必具尊酒與余共之余過武林有授余煮神仙鶴法者

至聞以語兄試之良佳

榕樹陰濃春日長扶疏弱柳又新篁試從木末疑眸望

遙見山中石澗堂

署後為龍首山山上有屋一區以千里鏡視之見額署石澗堂三字

後圃荒涼藜藿高何煩頑鐵鎮波濤想因城與舟形似

故鑄神鉤鎖巨鼇

署後廢圃有大鐵錨二不知所川或云城形如舟以此鎮之

何處僧廬石鼓圓何時移置郡齋前遷流本末無從考

字跡分明至正年

三堂門外有石鼓二其右一鼓刻云至正五年歲在乙酉常住誌

石上留傳梵字形不辭搜剔到荒庭伏盧書古無人識

一任苔痕歲歲青

署右幕賓屋庭石有字跡不可識王甫兄曰此梵字也

高枕山岡望海樓海山勝概已全收岳陽仙蹟無多讓

記取先生兩度游

望海樓樓不甚高而可望海亦郡中一勝處也惜僻處山鄉其名不著余

此來兩醉其上故以詩張之

使者輜軒此往還論文餘暇即看山所嫌白鶴峯頭路

絕頂無緣得共攀孫萊山學使適按試福甯武畢州見以登白鶴嶺望海詩見示

將軍束髮早從戎此日山城閒挂弓示我一編思痛錄

廿年辛苦戰爭中羅景山總戎以所著思痛錄索序即其所定年譜也粵賊之亂君無役不

與故敘述甚詳

海色山光逼畫櫺何殊傷詠在蘭亭無端忽隕風前涕

一月前頭落大星三月四日謫集望海樓適聞曾文正師於二月四日薨逝為之泣然

閩嶠崎嶇不易行未能乘輿到榕城溫麻小住愔愔返

姑負羣公懸榻情潘偉如方伯勸余留居閩中託萊山學使致意王補此中丞又擬以輕輿

迓余至省城小聚數日其意拳拳皆可感也

一編志乘擬重修名迹端宜細訪求太姥奇峰三十六



再來儻許此探幽王甫兄擬重修郡志

### 白福甯還杭州襍詩

籃輿安穩發溫麻一月旬留未覺除却好首塗逢穀雨  
家家門外曬新茶

村社荒涼起暮煙叢祠未識始何年自從臨水夫人外

又向山中拜馬仙閩中多臨水夫人廟考吳任臣十國春秋陳靖姑有道術曾

誅白蛇妖闖主鑄封為顯懿夫人殆即其人也余又於山中見馬仙娘廟求之郡志刊二人一云溫麻里馬

氏女一云江南人女隨父宦來閩二者未詳孰是

隨意尋幽向水涯偶逢古蹟倍咨嗟鶴窠橋畔人煙少

何處宜和進士家平陽有鶴窠橋刻石云宋宣和進士陳彥才建

輕舟卅里到羅陽道是山鄉又水鄉流水小橋無限好

不知何故署豺狼自平陽至瑞安有豺狼橋不知何以被斯名也

幾處秋鉞尙未稠紅雲一片壓青疇山中生計年來異

罌粟花開當麥秋平陽瑞安山中多種罌粟花者雖於種稻無妨而於種麥有害亦民食之

一蠹也

瑞安學士最依依夜雨留賓靜掩扉杯酒清談偏有味

黃花魚小墨魚肥過瑞安訪孫葉川前輩留余小酌清談甚樂二魚皆席間所饌也

逆旅平添半日忙淋漓殘墨滿匡牀東坡正苦食無肉

可許屠門去換羊温州旅舍中求書者屢至薄暮未休時天氣鬱蒸有厨中魚餒而肉敗故

有此戲語

館人留客頗恂恂生本儒門意自親贈我羅陽詩四卷

始知巖邑有詩人

逆旅主人董盼字子餘以其先德霞

泰順一邑自前明至近人所作之詩也先生名旂即泰

順人所著太霞山館詩文遺稿甚多聞存葉田前輩處

蜚江來去太駸駸若問游蹤媿轉深不獨雁山游未果

江心孤嶼欠登臨溫州城北有江心寺即謝康樂詩所謂孤嶼洲中川者也來往息息未及

上

石門洞口再探奇且喜登山得導師延玉沫珠曾領略

此來補讀謝公詩

舟過石門洞因再游焉有林君宋齋

觀諸勝因得見石刻謝康樂詩前游僅

導以老僧未能指示所在故未之見也  
風風雨雨桃花嶺萬壑千巖何處藏始信黃山雲海說

白雲真似海茫茫

禱雨碑文李少溫宣和傳刻至今存不辭百級登臨瘁

親訪神祠藏碣軒縉雲縣城隍廟在山上懸百餘級乃

末一字涉矣前籍雲令徐君識烈

字赤木築室度之署曰藏碣軒

子陵臺在暮雲端兩岸青山已飽看安得於潛問遺老

更尋石室古嚴灘水經浙江水篇云又東南流逕相廬縣自縣至於潛凡十有六灘第二是

嚴陵瀨注云山下有石室嚴子陵之所居也今石室無考而經云自縣至於潛則與今水道亦不合疑漢魏閒所稱嚴陵瀨者

或未必卽此也

春歸我亦賦言旋兩月光陰路幾千却好往還皆廿七

一舟依舊宿江邊余之社也於正月二十七宿江千舟次明日解維及還也於三月二十七

宿江子舟次明日登岸亦一奇也二十八立夏夏春歸我亦歸矣

同年應敏齋寶時曾官蘇松太倉兵備道駐上海有善政其遷臬使而去也上海人圖其所行事凡十有二爲歌詩以獻余爲題其後

滬上彈丸地安危大局存東南一樞紐旋轉此乾坤舉動關中外推行見木原謳歌空滿耳辛苦與誰言

吳中重修唐六如居士桃花仙館弁祀子尚金公公名綱嘉興人明初爲蘇郡守因請減賦得罪而死者也爲賦四絕句紀其事

倚口難招月夜魂月明倚口一簑風流文采至今存如句也

翁負鼓沿街唱不唱中郎唱解元唐解元者

重將祠墓訪圖經三百年來夢墨亭仙館桃花還似舊

草堂何處問懷星懷星堂乃祝京兆所居今不可考京兆與交待詔並禘祀六如居士祠

吳中才子自聯翩更念蘇州太守賢歎息後人論成敗

梨園止演況青天

俎豆從今配六如名臣名士兩相於知公泉下心無恨

得讀三吳滅賦書同治初詔滅江浙賦當事者刻其全案成書

鰈硯篇

沈仲復觀察與嚴少藍夫人伉儷均能詩仲復在京師得一異石文理自然成魚形剖而琢之為二硯硯

各一魚夫婦分用之名曰鰈硯卽以顏其所居室張  
子青前輩爲之圖余賦是詩

何年東海魚化作一拳石天爲賢梁蓋產此雙合璧琢  
之爲兩硯珍重壓瑤碧無管不齊飛有箋必同劈春波  
滑其洗冬宵寒互炙遂以顏其廬光采昭楹碣嗟余注  
蟲魚鮒鮓舊曾覈著書鳩眼枯仰屋蝸廬窄心豔文字  
福手展瓊瑤冊題詩寄隱侯兼呈藐姑射

秋鐙課詩圖爲王弢甫孝廉禹堂賦

孝廉母盧孺人能詩在室時聞所許嫁王君菊人因  
父老廢書而賈心不樂故其課子詩有云茅屋數椽

鐙一點吾家喜有讀書兒蓋失望於前而欲取償於後也及歿甫舉於鄉則孺人卽世久矣乃取詩意繪圖徵詩余爲題五韵

茅屋一鐙小當年自課詩辛勤此賢母款曲語嬌兒盼汝成名早償余宿願癡如何攀桂日非復樹萱時異日瀧岡表無忘陟圯思

次韵答江子平孝廉珍楹卽送其還德清

新詩一讀一嗟吁柰此齊廷三百竽磊落多才誰及子游揚無力轉慙吾文章聲價年來賤風雪歸舟水次呼大好餘不溪畔屋相期稼圃共焚須



彭雪琴侍郎過蘇州見訪卽送其至西湖詰經精

舍度歲次春初所贈詩韵

謝病歸來未息肩長江歲歲復年年

拜兵部侍郎二十日卽謝病仍被

命每歲巡視長江水師一次

船中家計惟漁具袖裏軍符有豹篇乍

向

殿前辭節鉞

朝議欲以公督兩江力辭之

便來湖上作神仙知公心

迹俱清絕何必空山更坐禪

公每欲寄楊僧廬

借得西泠地數筵欣然來試虎跑泉湖山風雪時三九

楚越關河路八千

公擬二三月中溯江而上巡視水師至次年復沿江而下仍至西湖度歲

每二歲一往還

笑我小樓難獨據附公奇迹或同傳一編金石

徵交誼認取題籤字似拳

時以馮氏雲鵬金石素十二卷見贈手自署檢

竹樵中丞

恩錫

饋臘八粥

軍將打門急擎來玉盃豐今朝臘八日故事米雙弓香  
湓盤盃外甘留齒頰中晨寒欣一飽薑粥勝坡公

詩七

七

春在堂詩編七

癸丁瀾

春在堂詩編八

德清俞樾

癸酉季春楊石泉中丞招同彭雪琴侍郎至雲棲  
作竟日之游詩以紀之

朝暾紅上蘇公隄籃輿昇我遊雲棲湘鄉中丞雅好客  
欲陪鸞鳳招鳧鷖湘美楚酪行樹齋伊蒲精饌營閭黎  
衣冠脫略謝拘束且喜昨雨今朝霽老彭雖老興不低  
酒酣吐氣凌雲霓左手持杯右握管六章詩抵千牟尼  
侍郎即席賦詩六章忽然感舊心慘悽十年辛苦提征鼙青旗一  
片蔽江下小姑山上親畱題十萬大軍齊唱凱彭郎奪  
得小姑還侍郎舊題小姑

山句也侍郎在  
軍中張青織  
崎嶇百戰江東西江中妖霧消鯨鯢同

時將佐半生死彭郎玉貌今成黧已矣舊夢休重提尊

前一醉拚如泥更扶殘醉下山去夕陽剛照前山溪紅

躑躅花紅滿蹊森森綠玉千株齊蓮池遺蛻至今在其

旁更有法喜妻徘徊欲去仍畱稽浮屠百尺愁攀躋噴

月泉邊一分手映波橋上重扶藜歸途過六和塔下觀噴月泉兩公從此入

城余則度映波橋垂楊兩斫桑千畦蘇堤兩畔皆栽桑矣暮鴉已

向林閒啼歸來作詩記游覽勿嫌嘲哂同寒蛩

越三日招雪琴侍郎同游西湖侍郎有詩次韵奉

答

爲愛西湖好年年此往還

侍郎奉命巡長江間歲一至西湖

戈船將就

道鏡舫暫偷閒

是日所坐湖船名鏡舫

已築三潭屋親題五字顏

侍郎築屋三潭印月題曰西湖退省庵

來秋重九節再約叩松關

穀雨日陳竹川沈蘭舫兩廣文招作龍井虎跑之

游徧歷九谿十八澗及烟霞水樂石屋諸洞之勝

### 得詩五章

五年住西湖未盡南山勝遙指翠微閒探奇猶有賸暮

春天氣佳雲山發幽興二君有同志游事從頭定先日

戒與丁臨行問山徑龍井至虎跑自晨游到暝

龍井寺久廢但存土神祠翁媪相偶坐不知所記誰其

旁有山家楚楚新茅茨山農頗好客飲我茶一卮青瓊  
與綠髓清入人心脾是日逢穀雨正值新茶時乞取數  
片歸珍惜如瓊芝

九溪十八澗山中最勝處昔久聞其名今始窮其趣重  
重疊疊山曲曲環環路東東丁丁泉高高下下樹寒帷  
看未足相約下輿步愈進愈幽深一轉一回顧每當溪  
折處履石乃得渡詩云深則硤此句爲我賦但取滌塵  
襟不嫌溼芒屨俯聽琴筑喧仰見屏障護九嶷有九谿  
茲更倍其數迤邐到理安精廬略可住老僧具伊蒲欣  
然爲舉箸

飯飽復入山先至烟霞洞前洞盡佛像但少香花供後  
洞愈深邃側身入石縫持火乃可見四顧心駭恫內有  
呂仙像名山仙佛共水樂洞殊小未足相伯仲所喜瑯  
琤聲不減琴三弄掬水惜雲腴溼衣愁暴凍不如舍之  
去鳴泉尙諠囂我羨石屋好天然具宇棟其左爲別院  
小坐足吟諷其右有小樓石乳猶凝凍最奇曰甕雲洞  
口狹如甕俯循石級下豁然乃虛空白光穿漏入頗足  
破昏霧天生此神境不知誰斲鑿昔賢所畱題遠者自  
北宋我亦書數言聊以寄幽夢

游事粗告備乃更至虎跑是時日已晚斜照餘林稍凌



此泉水佳且復酌一匏爰循蘇公隄仍踏西冷橋連日  
事游覽頗足紓鬱陶雲樓蠟雙屐三潭浮輕舸今復披  
蒙茸一徑爭猿獠作詩謝二君游興今年豪

家兄王甫太守歿於福甯郡齋因馳赴福甯奉

太夫人北旋於五月二十六日至吳下廡廬謹記

以詩

版輿安穩迎慈母

此句乃余初罷河南學政時詩

十七年前句尙新何

幸望雲今遂願只愁聽雨夜傷神要娛鶴髮高堂暮且

借鶯花茂苑春回首長途心轉悻二千里路九旬人太

人時年八十有八自福甯至蘇州幾及二千里

舊歲 覃恩兒子紹萊為請二品封亦紀以詩

頻年韋布謝簪纓忽荷

推恩意轉驚此日承歡當彩服他年借重到銘旌蓬萊

舊藉

三朝遠雲水閒身二品榮聊與山妻作生日筭珈重為

換釵荆

六月三日丙子生日也即於是日易命服

楊石泉中丞以闡中桂花盛開賦詩紀之即次其

韵

畫戟森嚴鳳唼堂案頭文卷襍丹黃飽看試院幾株桂

應憶家園九里香

墨客揮麈云湖南人呼桂為九里香中丞湖南人故云然記昔名

場會屢踏卽今詩句有餘芳一箋示我西湖上添得吟  
情分外狂

竹樵方伯恩錫被命攝漕督以詩賀之

余與方伯唱和詩最多彙爲一卷題曰吳中唱和存  
稿別行之故不存於集今聞其攝漕督余適在西湖  
精舍又因先兄葬事將還德清未知能及至吳中送  
別否依依之意不能無詩詩雖不工亦不能不存也  
鶯花茂苑久句畱新拜除書督九州望重旬宣周召伯  
功資轉漕漢鄼侯豈惟玉粒關

天庾更藉金湯鎮上游從此范韓勳業大清談可憶在

南樓

頻年吳下共分箋忽聽驪歌意惘然佳句流傳來浙水

時新寄到大旗飛舞去淮堧遙知蕩節初移日正是梅

花欲放天為報將軍即才子用白香山詩意狂吟沿路有詩篇

甲戌春日彭雪琴侍郎寄和去歲纓字韵詩再次

韵答之

昔年慷慨請長纓此日閒居寵不驚南國風雲歸節制

西湖烟雨撲簾旌六橋許作鶯花伴四壁分來翰墨榮

前年承書樂知堂額見說九秋重過我呼童縛帚掃柴

荆

周應芝司馬死難遺象題辭

君名憲曾字景侯號應芝和入道光庚子 恩科  
舉人署直隸廣平府同知分防臨洛關未數月粵寇  
至大帥走其地無城可守或勸入城避賊君不可竟  
死之其繼室蒯爲余同年蒯士香廉訪女弟廉訪時  
官祥符縣聞警迎以車不肖去與側室郭同死一門  
忠烈是可風矣廉訪以其遺像索題按劍特立生氣  
凜然蓋卽死難時情狀也余爲賦此

臨洛關前陣雲黑黑雲擁到黃巾賊大官見幾走且匿  
一夫慷慨死其職借問死者誰周君字應芝聞曹土地

非所司況有公廨無城池君曰官此卽死此偷活草閒  
吾所恥三尺龍泉電光紫一腔碧血洛河水閨中更有  
梁鴻妻守死不去甘如飴大婦小婦相提攜一朝山下  
雙磨筭我從丹青見顏色凜凜霜稜不可逼讀君佳傳  
重太息別有悲憤生胸臆昔我僚壻何其賢與君同姓  
兼同年其死在後君在先安義小縣彈丸然欲戰無兵  
守無錢大呼殺賊張空拳視君之死何媿焉余僚壻周君祖誥字  
雲笈亦庚子孝廉署 方今  
江西安義縣死難

天子重大節况臣死忠婦死烈允宜萬古作圭臬我念  
故人亦人傑可與後先其頡頏箕尾忠魂同不滅愧我

作歌疲且茶表忠有碑俟來哲

自天竺踰棋盤嶺歷九溪十八澗至理安途中得  
詩二章示從游者

我登棋盤嶺四顧何廓然其前錢唐江望見風帆船西  
湖在其東有若明鏡圓視我所居樓了了在目前籃輿  
偶此過一步一流連惜無可坐處勝概收未全安得築  
一亭高據茲山巔

我行十八澗何其繚以曲重重疊疊山其妙總在複山  
中何所有松竹襍蒼綠更喜高下閒觀以紅踰躡籃輿  
偶此過一步一往復惜無可坐處勝景看未足安得結

一庵深藏此山腹

秦小峴侍郎官浙時建東坡先生祠於孤山之陽  
繪圖紀之嗣君澹如觀察出以見示時蘇祠亂後  
重建圖亦失而復得也爲賦一律

玉局仙翁去不還  
尙畱祠宇傍湖山  
十年搖落干戈後  
兩世風流翰墨閒  
我輩雪泥聊寄跡  
舊時春夢久從刪  
詩人喜遇秦淮海  
咫尺蘇門倘許攀

閩撫王補帆同年述職入都行次姑蘇以病請假  
然觀其閩中畱別詩似久有歸志矣因於西湖寓  
樓次韵和之



榕城開府已三年抗疏求瞻迭蕩大海上輕裝將石載

江南春信在梅先

去年臘底得君書即言將北來

暫拋玉節偏多味小

住金閭亦有緣見說維摩新示疾不妨遲到五雲邊

利弊窮檐著意求八閩傳誦到杭州中興柱石無多讓

吾榜勳名第一流此日聞君將引疾有人越境苦攀留

杭州金少伯樞部深惜君去屬余至蘇力挽之

爲言四海思霖雨泰岱雲興莫

便收

君指鄉山樹幾株歸心早與白雲俱家園自有留人桂

宦海原無消疾珠且喜妻孥習耕織好從里社養疏愚

翻嫌遲滯期難定容易菖蒲酒在筵

君與余書欲於重午前歸里

鄙人廿載謝名場不記班  
聯舊濟踰幸有朋儕同嘯傲  
頓教詩興不積唐和君平子  
歸田句已是淮南招隱章  
只恐

驟書來闕下仍催述職到明堂

滬上寓園芍藥盛開偶作小詩

暫與名園作主人可無綺語謝花神  
杭州正喫毛頭筍  
亦名貓頭筍見西湖志海上來看婪尾春  
醉蝶癡蜂遊戲慣嬌紅

膩紫翦裁勻須知樸學齋中客也喜風光到眼新  
園中舊有

湛華堂余易其額曰樸學齋示謝華宗樸也然對此名花亦不能無詩

贈張子剛

江西張燧字子剛事其嗣母至孝其母近百歲乃卒  
子剛工詩畫有聞於時然至今猶以縣佐需次聞將  
浮海北行見合肥相國故以詩贈之卽書於其便面  
張子有真性居家孝可帥扶持百歲母啼笑一嬰兒名  
早遇偏晚行齋官自卑送君從此去遭際果何時

彭雪琴侍郎退省庵在三潭印月與余所居詰經  
精舍止隔一湖心亭耳過湖奉訪率成一律

退省庵中舊勒銘

余撰退省庵記并銘

今來相訪近南屏回看對

面孤山路

詰經精舍在孤山路

止隔當心一角亭閒趣儘容吾輩

領瀾言試說老僧聽請從此夕推窗望上將星聯處士

星

揚石泉中丞過我西湖精舍遂偕至退省庵訪雪

琴侍郎疊前韵

陋室荒涼未足銘推窗閒對萬山屏忽看畫舫浮梅檻  
已過莎隄問水亭白雪新詩先快讀中丞先使人以詩來綠波柔  
艣更同聽移舟遠渡前汀去退省庵中訪客星

題黃韵珊孝廉桃谿雪傳奇後

永康吳絳雪名宗夔國初才女也工詩畫兼有國

色康熙十三年耿精忠叛於閩中其部將徐尙朝犯  
永康宣言曰以絳雪獻者免邑人兇懼謀行之以紓

難絳雪遂行至三十里坑投崖而死事越百五十六年志乘無徵吳康甫大令為永康丞始表章其事屬

黃孝廉譜此曲

曾向秦臺泣鳳皇

孝廉曾作帝女花傳奇

紅顏碧葬更淒涼春風

寫入黃荃筆卅里坑邊土尙香

綺年才調女相如翰墨畱題徧 國初一擲危崖千古

事眉樓羞殺老尙書

龔芝麓尙書有題絳雪畫冊詩

記昔看山到永嘉永康城外屢停車來遲未遇哦松客

誰與城西訪杏花

吳康甫大令作永康丞訪知城西由義巷即絳雪故居余兩至永嘉距康

甫作丞時二十餘年矣

離合悲歡任意編傳奇體例想當然我今更定瑤華譜

續得佳人命一年

傳奇事實與本集不甚合院本體裁也余編次絳雪年譜寄康甫大令刻

之本集之前較陳琴齋考定絳雪死年二十四者又多一年也

### 半壁山照米歌

半壁山在大江中咸豐閉楚軍血戰之所也後掘地得黑米甚多并有古輒刻吳國江防字識者曰孫吳時魯子敬屯兵於此蓋其兵糧所遺也彭雪琴侍郎分贈少許云治病疾因為賦此

昔聞飛山砦舊有朱公祠往往敗垣內有米堅而黦云是朱都督兵糧之所遺又聞武昌郡得米亦如之是猶僞

漢物畱自明初時友諒昔僭號此故其倉基乃知世間  
物積久斯成奇何怪乾陔國焦米珍尸毗大江半壁山  
有米誰所詒殘甑吳國字點畫猶未剗傳聞魯子敬曾  
此屯雄師師行而糧食狼藉同糠粃至今千百年珍貴  
如瓊糜躬之色似漆洩之質不糲持此治腹疾不必帶  
下醫衡陽彭侍郎贈我滿一匱元珠非可食黑玉非可  
炊食古幸有此庶幾樂我飢應減鬢髮皓兼潤面目黧  
寂寞草元人尙白其無嗤

賀蘭山小獵圖爲張朗齋軍門題

張朗齋軍門奉 詔出關剿回部駐師賀蘭山繪賀

蘭山小獵圖萬里詒書乞余題辭余適在西湖詒經  
精舍因作此詩交同年蒯士香廉訪轉寄軍門時乙

亥三月也

春晴正向湖樓坐喜鵲隨函天外墮開城瑤碧燦成行  
尙有甘涼雲氣裹書言轉戰西出關旌旗遙指賀蘭山  
元昊宮前沙漠漠奢延水上流漫漫是時寇蹤已無迹  
屯軍待掃鼙廳穴健兒身手不能閒日日雕弓飛霹靂  
賀蘭山高嵯峨上有千年萬年之積雪下有一曲二曲  
之黃河元戎小隊平明出恰好草枯鷹眼疾伐狐擊兔  
耀兵威振鐸作鏡肄軍律北平射虎飛將軍若論遭際



終輸君君以壯歲成奇勳隨陸能武絳灌文承流宣化  
何足云高牙大纛生風雲君初官河南布政使有無邊言君不識字者改總兵  
秋色葫蘆水獵罷歸來暮烟紫張鐙虎帳譜鏡歌瀉酒  
駝囊酬戰士我本烟波一釣徒綠蓑青笠狎鷗鳧願君  
百戰功成後來共清游西子湖

余故里無家久寓吳下去年於馬醫巷西頭買得  
潘氏廢地一區築室三十餘楹其旁隙地築爲小  
園壘石鑿池種蒔花木以其形曲名曰曲園乙亥  
四月落成率成五言五章聊以紀事

吾家烏巾山舊有先人屋四齡卽遷徙至今遂難復東

華挂朝籍中州忝使竹自此稱賓氓十有八寒燠天地  
本遽廬何者我邦族吳中五柳園昔曾寄游曠亂後廢  
爲墟止餘水一掬幸茲馬醫巷有地吉可卜爰自去年  
秋辛勤事版築居然告成功止閱弦望六但取粗可居  
焉敢窮土木吾學公子荆一苟萬事足

其前闢爲門門小纔通車合肥李文華署曰著書廬少

李丞相國書德清俞太史著其中爲聽事頗覺寬有餘是

書之廬九字今榜諸門

曰樂知堂老彭爲我書謂彭雪琴侍郎樂天而知命斯義聊自

娛由此入內室居處全家俱上以奉老母下以容妻孥  
賓朋別有館僕媪各有居幽隱爲屏匳明敞爲庖廚規

模罔不具曰陋則有諸

自聽事而西有春在堂焉文正所題榜墨彩今猶鮮四

方君子至皆於此周旋

曾文正昔爲余書春在堂三字今於樂知堂西爲便坐以待賓

客卽以此顏之

此內有隙地不能成方圓自南而北東有若磬

折然書生例好事所樂惟林泉爰因地一曲而築屋數椽卷石與勺水聊復供流連名之曰曲園爲鈎不爲弦

吾聞之老子所謂曲則全

曲園雖褊小亦頗具曲折達齋認春軒南北相隔絕花木隱翳之山石復嶮岫循山登其巔小坐可玩月其下一小池游鱗出復沒右有曲水亭紅欄映清冽左有回

峰閣階下石凹凸遵此石徑行又東出自穴依依柳陰  
中編竹補其闕築屋名良宦廣不逾十笏勿云此園小  
足以養吾拙別詳曲園記吾茲不具說

昌黎三十年辛苦成屋廬作詩誇兒曹意溢詞之餘東  
坡讀而歎謂不淵明如嗟余本無似碌碌章句儒年華  
逝水迅往事搏沙虛乾坤逆旅中偶此畱須臾若復相  
炫耀大可相揶揄有記更有詩姑以存區區竊示高平  
君不用書示符

徐花農秀才 琪 爲余繪曲園圖賦此謝之

一曲園林布置麤盆池拳石自嬉娛忽煩妙手來描寫

遂使全家住畫圖康節行窩原是寄放翁團扇豈堪摹  
因曲園圖標飾未竟先得君點染居然好始信文人筆  
縮寫齊紈一捭見貽  
墨殊

### 小浮梅

厲樊榭湖船錄云黃貞父儀部用巨竹爲泖浮湖中  
編蓬屋其上朱闌周遭設青幕障之行則揭焉支以  
小戟其下用文木斲平若砥布於泖上中可容六七  
胡牀位置几席觴豆旁及彝鼎蠶洗茶鐺碁局之屬  
名曰浮梅檻余頻年主講謁經精舍春秋佳日時至  
西湖每思糾同志數人仿此製爲之而迄不果有造

浮梅檻議一篇存賓萌集中乙亥初夏吳中曲園落成園有曲池乃於池中截木爲桴屋於其上朱闌綠幕略如黃製然池周圍止十一丈方之西湖直杯水耳故此桴廣止四尺修止五尺渺乎小矣因名曰小浮梅賦十二韵記之

十年雅慕浮梅檻試手經營到此纔只惜量來不盈丈故應喚作小浮梅縱橫籜棧三層積前後軒楹四面開帷幕綠隨風反側闌干紅與水徘徊一繩搖曳呼孫挽半席寬閒倩婦陪偶欲曲肱宜竹几或思潤吻有茶杯平如畫檻移春去暫似仙槎貫月來萍到舳邊堪撥拾

魚游鳥下莫疑猜蒲團布處成禪榻笻筇攜將卽釣臺  
試與臨流弄寒碧勝於掃石坐莓苔曩時創議傳朋舊  
此日環觀詫僕僂問訊天南老開府乘桴海上幾時回  
閩撫王補帆同年頗有書來問浮海  
檻成否故及之時補帆方駐臺灣也

題馮尹平刺史畫卷後

刺史曾以事繫請室者四年惟以書畫自娛此卷花  
卉翎毛山水人物各二幀乃獄中所作也嗣君竹儒

觀察屬題

銅牆虎獄慘無色一窖閒愁消不得先生四載困南冠  
坐對圓扉弄烟墨烟墨濡染何其工俗塵不到神明通

雖居蝎尾蛇頭地如處膠山綉海中萬里孤臣長賜玦

芒鞋踏徧天山雪自從摹寫入丹青火嶼清涼冰海熱

刺史後戊新玉輪鸞佩巫陽招惟留畫卷如牛腰但覺

赤霄有真骨那知白髮生愁苗繫余未及先生見令子

英英共游醜昔日淒涼紫塞游此時磊落青雲彥觀察曾從

親游塞外示我斯圖手澤新堪嗟斂鳳與且麟風鬟霧鬢龍

宮女可是先生自寫真畫中有一幅是龍女牧羊故事

哭王補帆同年 凱泰

補帆為余庚戌同年同官翰林在京師時晨夕往還

無間也遂以長女妻君仲子庚辛之亂君寓余書勸



余買田寶應爲偕隱計書不達事遂不果後君佐台肥相公戎幕積功官至福建巡撫書問往來無月無之今年夏君駐臺灣辦理開荒撫番諸事得病內渡未半月卒於使署

詔書悼惜有清廉勤慎辦事

實心之褒贈太子少保謚文勤福建省城及臺灣府均建專祠 賜長子儒卿舉人次子豫卿員外三子壽卿主事可謂備極哀榮矣君今歲書來頻問曲園景物余小浮梅詩結語曾及之孰謂招隱不成乃變爲招魂哉賦四律哭之至君政績上有 國史下有輿論余詩可不及也

紅毛樓下駐蹕輪歸到榕城甫泱辰海國驚傳箕尾信  
璽書深獎實心人諸孤疊被簪纓寵絕徼長存俎豆新  
除卻黔中老開府

謂曾樞  
元同作

勛名吾榜更無倫

往迹真如水上漚不堪回首鳳城游詞林散秩無公事  
旅館清談有茗甌小步橫街同踏月閒身枯寺共尋幽  
追思二十年前事那得風前淚不流

無端烽火徧南東一出承明類轉蓬勸我買田虛有約  
看君投筆竟成功昏姻早已聯兒女仕隱何妨判異同  
檢點篋中書札在不知月費幾郵筒

去年相見在蘇臺送去征帆便不回海外窮探大黃竹

吳中欠坐小浮梅私情自重苔岑誼公論深嗟柱石才  
既爲蒼生兼感舊人琴一慟有餘哀

丙子初冬自杭旋蘇平望舟中以詩代柬寄彭雪  
琴侍郎於西湖退省庵

小住西湖半月餘又攜書劍返姑胥不勞冠蓋來相送  
自有山僧送上輿聖因寺僧理安寺僧均捐別於輿前

又費篷窗四日功安排筆硯與詩筒百空曲向舟中唱  
自媿觀空尚未空舟中作駐雲飛一百首用九西堂十空曲體衍爲百空曲

殘菊仍將瓦缶栽燈前瘦影足徘徊歸家戲向山妻說  
載得西湖秋色來時有殘菊四盆載之以歸

退省庵中一寄樓輕裘緩帶自風流偶然學得臣斯篆

寄與先生大筆收

時作小篆數  
紙寄侍郎

馮智烈孝子詩

孝子名福基智烈其私諡也山西代州人安徽潛山  
縣天堂巡檢馮焯之子咸豐七年賊犯潛山福基匿  
母山中自出爲賊所獲挾利刃欲刺其魁不得閒乃  
竊藥肆礮霜置食中斃賊十七人賊魁推所自福基  
懼事泄亦食之仆草間賊委之去乃爲書別其父及  
天堂諸父老時有劉士扶在側以書屬之并曰我死  
必斂以衣冠庶可見先人於地下也俄而毒發竟卒

年十有四安徽巡撫以聞有 詔優卹

嗟哉孝子厥年猶童遭時之難賊來兇兇匿母而出誑賊余降乃帕其首偽若賊從乃厲其刃思堪賊肯無聞可入前戈後鏃

嗟哉孝子厥性甚智市有礎霜兒過而睨竊而寘之于醬于豉賊十有七咸斃于解賊曰怪哉此毒疇寘兒啜厥餘亦踏于地

賊則行矣兒則僵矣二日不死圍圍洋洋爲書別父諸父諸兄我死我斂我冠我裳臨死遺言其言英英誰與聞之劉叟在旁

嗟哉孝子雖死如在疆吏上言聞于

天子

天子曰嗟此事塵有禮部上言表厥宅里兵部上言賜  
金宜倍

天子曰俞垂于永久

送馮竹儒觀察赴伊犁

竹儒觀察之尊甫尹平刺史以事成伊犁卒焉兵亂  
途梗其喪未歸今聞新疆諸城次第克復乃請於大  
府聞於

朝給假出關奉迎靈輓丁丑春日自滬啓行賦詩四律

送之

多時魂夢繞天山

帝有恩言許出關此去春先到  
戈壁昔年恨未唱刀環  
杜陵弟妹飄零後疏勒山川想望閒  
奉到

璽書應感泣征衫那不淚潛潛

聽取驪歌一曲新回思往事倍傷神  
十年馬角烏頭約  
萬里冰天雪窖身塞外空留蓬顆地  
關中盼斷柳車塵  
烽烟直接蒲犁國葱嶺河邊莫問津

征西上將霍票姚鬼難風災處處消  
漢使已從張掖去  
巫陽應向汨羅招恭逢孝治超前古  
敬以私情達

聖朝遙想車師諸父老玉門關外候星輶

欲謝金章賦遠遊慰賄深費

廟謨周免教清議譏滕羨更為民情挽鄧攸

奉旨賞假一年無

庸閒三月烟花北行色一年寒暑理征裘不才忝據臯

比坐要待君歸共唱酬

### 送楊石泉中丞罷官歸湘鄉

甘棠萬樹綠陰稠忽聽驪歌處處愁

朝議不為韓愈惜民情都願寇恂留竟如雅願還初服

尚有單寒感大裘徐花農孝廉都下書山色湖光俱惜

別也如白傅去杭州



崎嶇戎馬浙西東掃盡烽烟四境紅昔日鐵衣腥戰血  
此時玉帳動春風刪除苛細人人喜感召祥和歲歲豐  
一十六年功德在生祠端合祀于公  
頻年抗疏乞歸田微罪而行暫息肩

聖主自因民命重吾儕深惜使君賢輕舟載石中無物  
清夜焚香上有天不久東山應復出如公豈得卧林泉  
鰕生何幸接餘光十載周旋總不忘東野詩寒煩作序  
曾刻拙詩并爲製序西湖春暖屢飛觴卽看歸棹浮湘水會有  
恩綸下建章公是鳳鸞我鷗鷺異時還望共翱翔

吳貞女詩

貞女爲浙江山陰人吳春巢經歷之女許嫁劉丹崖  
之子曰荔清以貧故未成嘉禮而春巢與丹崖相繼  
卒荔清亦旋卒女聞欲死之母許其歸劉氏守節乃  
止然劉氏無一人又無期功強近之親有劉少英者  
其疏族也與之謀遷延未果女求死益力有劉西屏  
者又疏於少英者也聞而義之曰予亦同姓何待彼  
爲乃卜日迎歸以如其意然亦非可久依聞至今仍  
在母家欲嗣族人子爲子亦未可得煢煢孤苦無逾  
此者矣爲賦是篇

山陰吳氏女稚齒如成人耿介守禮法不爲流俗牽聞

人談節義申旦常不眠許嫁劉氏子年少何翩翩家貧  
禮不具未得成昏姻兩家遘閔凶堂上凋靈椿傷哉劉  
氏子孤苦難具陳獨力支門戶千里奉柩朝歛暮復  
嗒不復能永年女始聞其耗涕出如雨零上堂告阿母  
終身不二天阿母語阿女汝宜從所便劉本單寒族無有  
期功親雖乘素車往何處安汝身阿女告阿母女意金  
石堅死則劉氏鬼生則劉氏人苟欲易吾志不如搯吾  
咽劉氏有疏族其人何其賢聞言而起敬旣敬仍哀憐  
乃爲除吉宅乃爲召嘉賓采幣謀諸友良辰諏諸神東  
市買花燭西市買華裯媒者衣粗粗返者車粼粼入門

何所有衰草蒿與蔽入室何所有饑鼠行踴踴夜來何  
所有燈火搖青燐朝來何所有甑釜生灰塵悲哉復悲  
哉辛苦萬與千已矣長已矣此志無磨磷下有深深地  
上有高高天中有一弱女四顧無與鄰吾爲貞女拜吾  
爲貞女嘯儻有采風使盍視此詩篇

日本儒官竹添漸卿光澤以詩見贈次韵酬之

東瀛仙客駐瞻帷游歷渾忘歸計遲萬里雲山都在眼

以所著棧雲賦一門風雅自相師聞眷屬青衫舊恨關

雨口記求序時局黃絹新詞鬪色絲愧我迂疎章句士承君欣賞柰

無奇

松下清齋圖爲潘西圃前輩題

吳下陸謹庭先生恭松下清齋圖本王蓬心太守宸

所作翁覃溪學士有詩并書松下清齋四字於卷首  
瘦硬通神洵可寶也尤二娛大令攜至浙江失之奚  
鐵生布衣爲作直幅又倩宋芝山廣文補作橫幅如  
前圖而覃溪學士亦爲補書舊所題詩至同治庚午  
其孫新之復得前圖於金陵市肆乃合前後兩圖爲  
一卷西圃前輩其外孫也屬賦此篇

爪葉鱗條翠撲撲虬松兩樹高於屋先生築廬此讀書  
月姿烟格無由俗蓬心太守爲作圖何意失之尤二娛

妙蹟已頰鐵生補舊觀重倩芝山摹北平學士年七十  
老筆無花如鐵立曩時詩句未遺忘不辭重灑金壺汁  
雲烟過眼何怱怱又况劫火東南紅後圖幸免付灰燼  
前圖已分隨飄風豈知神物天珍惜前後兩圖重合璧  
標飾仍敎一幀同品題不啻千金獲故家喬木重金闔  
對此應知世澤長看取孫枝重茁秀舊低新掩兩青蒼

李黼堂同年

桓

以湖南永順所出鳳灘石製硯見

贈銘曰曲園著書之硯賦此謝之

自古選硯材青州爲第一絳石又次之端歙最後出後  
出擅天下卷石價千鎰自從唐宋來斧鑿無休日老坑

旣告盡新坑固非匹造物不愛材雲液又旁溢永順古  
溪州山盤而水崖馬氏舊銅柱至今猶屹峯於此訪陶  
泓故老無傳述云何鳳皇灘忽產琳琅質山靈惜珍尤  
千年閉瓊室溫伯雪子來謂溫味秋學使始爲第甲乙從此登  
文房採取逾石蜜平視歛與端駸駸欲跨軼萬物有代  
興尹邢勿相嫉我思中興來楚材最橫逸衡湘多奇氣  
芝生而菌茁篤生異人外餘氣尙浮瀾遂令山中石藟  
華照綳帙故人李鄴侯別久交逾密昨者尺素書迢迢  
附郵驛發函見光采非謬復非秘撫之如脂凝望之如  
玉璫堅如石中璞嫩如荷本菑美哉卽墨侯其德溫而

粟異時修硯火土品茲可必媿我得良田未足納總鉅  
潦倒故史官荒疏舊經術空有著書硯柰無著書筆曲  
園襍纂成發君一笑時刻曲園襍纂五十卷未成先以書日奉寄

嚴星巖孝廉山水手卷爲陳仙海太守題

孝廉名炳秀水人癸卯舉人咸豐十年四月城陷孝  
廉將自裁忽聞母嗽聲心動刀墜地賊素聞其名亦  
弗逼也踰月母死遂死之子寶森城破時先死妻吳  
子婦方皆從死此卷爲仙海太守作寒山古木筆墨  
蕭然畫固以人重卽論畫亦佳品也因書五言一章  
於其後



禾中有嚴子癸卯舉於鄉吾兄同歲生於我亦雁行南  
宮屢失意歸來臥室衡其人和而介玉粹金堅剛庚申  
禾城陷白日行豺狼君時已決計引刀斷其吭舉手手  
忽戰有母歎於牀姑緩須與死投刀趨北堂賊亦慕君  
義不忍臨以兵踰月母令終初志今其儼誰歟從君死  
妻吳子婦方有子曰寶森先已成國殤一門遂灰滅名  
姓空留芳何意得此卷樹古山蒼蒼其中有正氣如兒  
鐵石腸畫固以人重人亦以畫彰太守其寶之一卷千  
白珩旒傳百世後珍比戴與湯太守屬題珍同湯戴四  
字於卷首謂湯貞愍戴  
文節兩公均死難  
而筆墨亦相近也

翁叔平侍郎以菁草五十莖寄贈云

惠陵所出也敬記以詩

昔臣奉使至于陳得菁草於陳守臣云是太昊陵下出

千年抔土猶有神昔年陳州太守曾以伏義菁草見贈今以資萌居吳下

只其場師藝梧檟何圖日下故人來貽我靈菁可盈把

敬問此菁何處得非孔非姬其揆一地符天瑞非人爲

近者新從

惠陵出

先皇御宇十三年削平禍亂消戈鋌橋山弓劍闕靈氣  
上爲卿雲下醴泉菌茁芝生不常有產此神菁夫豈偶

古云著義取之耆定卜繇長昌厥後草莽小臣無一能

捧著不問沈與升惟從天意占中興萬年有道茲其徵

竹樵方伯恩錫輓詩

竹樵方伯藩蘇七載與余詩詞唱和甚得也今年述  
職入都行次安肅而卒余聞之泣然為譜薄媚摘徧  
詞一闕附春在堂詞錄復為此詩存集中前一章粗  
述其生平後三章皆敘數年情事也

少年簪筆試明光君以磨生試列高等

玉詔親除畫省郎十載西曹推杜鄭始官刑部一麾東國頌

龔黃繼以知府官出東皖公山下憂時淚官皖臬以遷遼海亭前

醉客觴

官奉天府尹

為政寬平人恂懌豈惟門第重金張

綠鞞朱轡到蘇臺歲歲花箋與其裁使節有時雖小別

曾攝漕督一年

郵筒無月不傳來刊成酬唱詩三集疊得光又

韻幾回未免清才掩勲業遲君幕府幾年開

勲業由來世共知卽論風雅亦堪師遠賡有宋諸賢韻

君於蘇州府署訪得宋紹熙間同年酬唱詩石刻次韻和之

手校前明一代詩君重刊

韻莊女士明三十家詩選

吳下秋蘭樹壇坵

賦秋蘭詩四首和者甚衆

帝臺春色動旌旗

君入覲時余賦帝臺春一闕送之

誰知白海棠花句

已是臨行自輓辭

君臨行賦白海棠詞二闕索同人和

風雪漫漫行路難再遲兩日卽長安相公莫摻臨歧袂

至保定見合肥相國次日弱女難憑逆旅棺如夫人女  
 行六十里至安肅而長逝公子皆隨  
 行聞以君繞道保未定新詞有花犯  
君臨別時言花犯  
 定做洗入都矣蘇完  
君姓蘇完瓜爾佳氏及任  
 未竟成讖語是蘇完蘇潘收為蘇垣遊語讖也  
 篋中詩  
 稿零星在此日淒涼怕展看